

Oqaasiliortut ataatsimiinnerannit imaqarniliaq

Sumiiffik:	Ilimmarfik
Ulloq:	26.01.2016
Nalunaaqutaq:	14:00
Oqaasiliortut peqataasut:	Mariia Simonsen, Judithe Denbæk, Jens Danielsen, Bolatta M. Vahl
Peqataanngitsoq:	Juaaka Lyberth
Oqaasileriffimmiit peqataasoq:	Katti Frederiksen
Allatsi:	Minik Jeremiassen
Ataatsimiinnerup normua:	1

Oqaluuserisat

1. Tikilluaqqusineq
2. Suleriaasissatut malittarisassaq pillugu
3. Oqaasiliortut siulittaasussaannik siulittaasullu tullersortissaanik qinersineq
4. Oqaatsit ataasiakkaat listillu pillugit suleriesissaq
5. Oqaasiliortunut saaffiginnissutit
 - a. eqqumiitsuliortoq aamma eqqumiitsuliorneq
 - b. anorit sammivii
 - c. empati aamma sympati
 - d. national stadion
6. Taasariaqartut allat
 - a. Ataatsimeeqqinnissamut ulluliineq
 - b. Ilaasortanit taasariaqartut allat

Imaqarniliaq

1) Tikilluaqqusineq:

Ataatsimiinneq aallartimmat Juaakap peqataasinnaannginnera uggorineqarpoq, taamaakkaluartorli ataatsimiinnermi siulittaasussamik siulittaasullu tullersortissaanik qinersisoqassasoq aalajangiusimaneqarpoq.

Oqaasileriffiup pisortaata ilisimatitsissutigaa ataatsimiittarnerni peqataasassanani.

2) Suleriaasissatut malittarisassaq pillugu:

Suleriaasissamut malittarisassatut siunnersuummut Oqaasiliortut aaqqiissutissanik siunnersuuteqarput. §1-imi Namminersornerullutik Oqartussat nalunaarutaat nr.23, 15. maj 1990-imeersoq, Oqaasiliortut suliaasaannik ataasiakkaanik imaqartoq, inatsisitigut tunngavissanut ilanngunneqassasoq.

Suleriaasissamut malittarisassatut siunnersuummi §3-mi ataatsimiinnissaq ullunik marlunnik sioqqullugu suliaasanik nassiussisoqartassasoq allaqqavoq, kisianni piffissaqarluarluni sukumiinerusumillu toqqammavilersukkamik suliaqartarnissaq kissaatigineqarmat ullunik tallimanik sioqqutsilluni nassiussisoqartassasoq aalajangiunneqarpoq.

Ataatsimiinnermi imaqarniliaq ullut qulit qaangiutsinnagit Oqaasiliortunut akuerisassanngorlugu nassiunneqartassasoq suleriesissamut malittarisassatut siunnersuummi allaqqasoq ullunut tallimanut sivikillineqarpoq.

Suleriaasissamut malittarisassatut siunnersuummi §3-mi ataatsimiittarnerit ataatsimiinnermusiallu ersarinnerusumik allassimassaaq. Aningaasarsisarnissaq pillugu aalajangersakkamik paasiniaasoqqaassaaq, taamaalilluni qulakkeerneqassamat inatsisinut naapertuuttumik ataatsimiinnermusiaqartarnissaq.

Ataatsimiinnermi tullermi suleriaasissamut malittarisassatut siunnersuut eqqartorneqassaaq.

3) Oqaasiliortut siulittaasussaannik siulittaasullu tullersortissaanik qinersineq:

Bolatta Vahl Oqaasiliortuni siulittaasussatut qinerneqarpoq, tullersorterissavaalu Mariia Simonsen.

4) Oqaatsit ataasiakkaat listillu pillugit suleriesissaq:

Oqaatsit allanngugassaanngikkaluartulluunniit Oqaasiliortunit eqqartorneqartassapput. Oqaatsinik ataasiakkaanik aalajangiinissami Oqaasileriffik siunnersuummik Oqaasiliortunut siunnersuuteqartassaaq. Listit Oqaasiliortukoortussat immikkut ilisimasalinnit aammalu Oqaasileriffimmiit suliarineqarlutik piareersareerneqartartussaammat Oqaasiliortut oqaluuserisassavaat akuerissallugillu, kisianni allannguutissaqarpat ataatsimiinnermi aalajangiisoqartassaaq.

Suleriaasissaq imaassaaq: Oqaasileriffimmit oqaatsit sukumiisumik suliarineqartassapput, taakkulu takussutissartalerlugit Oqaasiliortunut ingerlateqqinneqartassallutik. Oqaasiliortullu pisussaaffigissavaat Oqaasileriffimmiit siunnersuutigineqartut akuerissanerlugit imaluunniit isumaqataanngikkunik ataatsimiinnermi eqqartussallugit.

5) Oqaasiliortunut saaffiginnissutit:

a. eqqumiitsuliortoq, eqqumiitsuliorneq:

Inatsisartut Kultureqarnermut, Ilinniartitaanermit, Ilisimatusarnermit Ilageeqarnermullu Ataatsimiititaliaata saaffiginnissutigaa oqaaseq 'eqqumiitsuliorneq' oqaatsimik 'pinngorartitsinermik' taarsaanni pitsaanerunnginnersoq. Oqaasiliortut aalajangiuppaat oqaaseq 'eqqumiitsuliortoq' akuerisaallunilu nalinginnaasumik atugaammat allangortinneqassanngitsoq .

b. anorit sammivii:

Oqaaseq 'aqqarsarneq' KNR TV-mi silassami atorneqarsimasoq allagineqarsimavoq. KNR-imut inassutigineqassaaq anorit taaguutaat akuerisat tamatigut atorneqartaqqullugit, silassartartullu taaguutinik allangortiterisannginnissaat isumageqqullugu .

c. anorit natsimassusii: (skala misissorneqareerpat ataatsimiissutigeqqinneqassaaq)

Den internationale vindskala Anorit natsimassusiisa taaguutaat naalagaaffiit akuerisaanniittoq aammalu Beaufort skala assigiinnersut misissorluariarlugu Internationale Vindskalami nutartikkat kalaallisut nutarterneqassapput. Ataatsimiinnissamulli tullermut eqqartugassanngortinneqarpoq.

d. empati aamma sympati

Katersani empati ajunngitsumik nutserneqarsimavoq ordboginilu sympati aamma ajunngitsumik nutserneqarsimalluni.

empati = misigeqataaneq (Perorsaanermit taaguutsit, 2003)

sympati = iluarinninneq (Oqaasersiuut, 2012)

medfølelse = misigeqatiginninneq (Oqaasersiuut, 2012)

e. national stadion:

Saaffiginnittumit inassutigineqarpoq nationalstadion kalaallisut taaguuserneqassasoq 'nunatta arsaattarfissua'. Ataatsimiinnissamut tullermut Oqaasileriffik siunnersuuteqassaaq.

6) Taasariaqartut allat:

a. Ataatsimeeqqinnissamut ulluliineq:

Ataatsimiinnissaq tulleq pissaaq sap. ak. 7-imi.

b. Ilaasortanit taasariaqartut allat:

Oqaasiliortut kissaatigaat bilagini najoqqutarisat suminngaanneermit ilaasassasut (kildeangivelse).

Oqaasiliortut

Allatsi

Bolatta M. Vahl, siulittaasoq

Minik Jeremiassen

Judithe Denbæk

Jens Danielsen

Mariia Simonsen